

續資治通鑑

鎮洋故尚書畢秋帆先生著續資治通鑑蓋自司馬溫公作資治通鑑而明王氏宗沐薛氏應旂各有續通鑑之書

國朝徐氏乾學復有通鑑後編卽王氏薛氏本而增損之今原稿僅存亦不無凌亂闕佚茲書以宋遼金元四朝正史爲經而參以續資治通鑑長編契丹國志等書以及各家說部文集約百十餘種仿通鑑攷異之例著有攷異并依胡氏三省分注各正文下事必詳明語歸體要經營三十餘年延致一時軼才達學之士參訂成稿復經餘姚邵二雲學士核定體例付刻又經嘉定錢

竹汀詹事遂加校閱然刻未及半僅百三卷止集梧于  
去歲買得原稿全部及不全板片惜其未底于成迺爲  
補刻百十七卷而二百二十卷之書居然完好緣係畢  
氏定本故稍爲整理不復再加攷訂其繙譯人地官名  
亦依原書遵四庫館書通行條例改定攷司馬氏資治  
通鑑係神宗賜名李燾亦云臣此書詎可便謂續資治  
通鑑姑謂續資治通鑑長編可也故孝宗于燾卒後謂  
朕嘗許燾大書續資治通鑑長編七字然則後人著書  
似祇可云資治通鑑後編或續編而不當云續資治通  
鑑也第畢氏原名如是宜從其舊又畢氏未刻稿本卷

中凡分年處俱各冠年號與前已刻一百三卷體例不合亦姑仍之嘉慶六年三月日桐鄉後學馮集梧識

續資治通鑑目錄

卷第一

宋紀

太祖

建隆元年庚申正月至十二月

卷第二

太祖

建隆二年辛酉正月三年壬戌十二月

卷第三

太祖

乾德元年癸亥正月至二年甲子三月

卷第四

太祖

乾德二年甲子四月至四年丙寅十二月

卷第五

太祖

乾德五年丁卯正月至  
開寶二年己巳六月

卷第六

太祖

開寶二年己巳七月  
至四年辛未九月

卷第七

太祖

開寶四年辛未十月  
至七年甲戌八月

卷第八

太祖

開寶七年甲戌九月  
至九年丙子十一月

卷第九

太宗

太平興國元年丙子十  
二月至四年己卯二月

卷第十

太宗

太平興國四年己卯三月至六年辛巳九月

卷第十一

太宗

太平興國六年辛巳十月至八年癸未九月

卷第十二

太宗

太平興國八年癸未十月至雍熙二年乙酉十二月

卷第十三

太宗

雍熙三年丙戌正月至四年丁亥十二月

卷第十四

太宗

端拱元年戊子正月至二年己丑三月

卷第十五

太宗

端拱二年己丑四月至  
淳化二年辛卯八月

卷第十六

太宗

淳化二年辛卯九月  
至四年癸巳九月

卷第十七

太宗

淳化四年癸巳十月  
至五年甲午六月

卷第十八

太宗

淳化五年甲午七月至  
至道二年丙申六月

卷第十九

太宗

至道二年丙申七月  
至三年丁酉十二月



卷第二十

眞宗

咸平元年戊戌正月  
至二年己亥五月

卷第二十一

眞宗

咸平二年己亥六月  
至三年庚子三月

卷第二十二

眞宗

咸平三年庚子四月  
至四年辛丑十二月

卷第二十三

眞宗

咸平五年壬寅正月  
至六年癸卯六月

卷第二十四

眞宗

咸平六年癸卯七月至  
景德元年甲辰十月

卷第二十五

眞宗

景德元年甲辰十一月至二年乙巳十二月

卷第二十六

眞宗

景德三年丙午正月至四年丁未八月

卷第二十七

眞宗

景德四年丁未九月至大中祥符元年戊申十二月

卷第二十八

眞宗

大中祥符二年己酉正月至三年庚戌四月

卷第二十九

眞宗

大中祥符三年庚戌五月至四年辛亥十二月

卷第三十

眞宗

大中祥符五年壬子正月  
至六年癸丑六月

卷第三十一

眞宗

大中祥符六年癸丑七月  
至七年甲寅十二月

卷第三十二

眞宗

大中祥符八年乙卯正月  
至九年丙辰六月

卷第三十三

眞宗

大中祥符九年丙辰七月  
至天禧元年丁巳十二月

卷第三十四

眞宗

天禧二年戊午正月  
至四年庚申七月

卷第三十五

眞宗

天禧四年庚申八月至  
乾興元年壬戌十二月

卷第三十六

仁宗

天聖元年癸亥正月  
至四年丙寅三月

卷第三十七

仁宗

天聖四年丙寅四月  
至七年己巳七月

卷第三十八

仁宗

天聖七年己巳八月至  
明道元年壬申十二月

卷第三十九

仁宗

明道二年癸酉正月至  
景祐元年甲戌十二月

卷第四十

仁宗

景祐二年乙亥正月  
至四年丁丑七月

卷第四十一

仁宗

景祐四年丁丑八月  
至寶元二年己卯八月

卷第四十二

仁宗

寶元二年己卯九月  
至康定元年庚辰十二月

卷第四十三

仁宗

慶歷元年辛巳  
正月至十二月

卷第四十四

仁宗

慶歷二年壬午  
正月至九月

卷第四十五

仁宗慶歷二年壬午十月  
至三年癸未八月

卷第四十六

仁宗慶歷三年癸未九月  
至四年甲申七月

卷第四十七

仁宗慶歷四年甲申八月  
至五年乙酉九月

卷第四十八

仁宗慶歷五年乙酉十月  
至七年丁亥三月

卷第四十九

仁宗慶歷七年丁亥四月  
至八年戊子三月

卷第五十

仁宗

慶歷八年戊子四月至  
皇祐元年己丑十二月

卷第五十一

仁宗

皇祐二年庚寅正月  
至三年辛卯五月

卷第五十二

仁宗

皇祐三年辛卯六月  
至四年壬辰八月

卷第五十三

仁宗

皇祐四年壬辰九月  
至五年癸巳七月

卷第五十四

仁宗

皇祐五年癸巳八月至  
至和元年甲午十月

卷第五十五

仁宗

至和元年甲午十一月  
至二年乙未十二月

卷第五十六

仁宗

嘉祐元年丙申正月  
至二年丁酉七月

卷第五十七

仁宗

嘉祐二年丁酉八月  
至四年己亥三月

卷第五十八

仁宗

嘉祐四年己亥四月  
至五年庚子五月

卷第五十九

仁宗

嘉祐五年庚子六月  
至六年辛丑八月



卷第六十

仁宗

嘉祐六年辛丑九月  
至七年壬寅十二月

卷第六十一

仁宗

嘉祐八年癸卯  
正月至十二月

卷第六十二

英宗

治平元年甲辰  
正月至十二月

卷第六十三

英宗

治平二年乙巳  
正月至十二月

卷第六十四

英宗

治平三年丙午  
正月至十二月

卷第六十五

英宗

治平四年丁未  
正月至十二月

卷第六十六

神宗

熙寧元年戊申正月  
至二年己酉六月

卷第六十七

神宗

熙寧二年己酉七月  
至三年庚戌六月

卷第六十八

神宗

熙寧三年庚戌七月  
至四年辛亥十二月

卷第六十九

神宗

熙寧五年壬子正月  
至六年癸丑十二月

卷第七十

神宗

熙寧七年甲寅  
正月至十二月

卷第七十一

神宗

熙寧八年乙卯正月  
至九年丙辰十二月

卷第七十二

神宗

熙寧十年丁巳  
正月至十二月

卷第七十三

神宗

元豐元年戊午  
正月至十二月

卷第七十四

神宗

元豐二年己未  
正月至十二月

卷第七十五

神宗

元豐三年庚申  
正月至十二月

卷第七十六

神宗

元豐四年辛酉  
正月至十二月

卷第七十七

神宗

元豐五年壬戌正月  
至七年甲子六月

卷第七十八

神宗

元豐七年甲子七月  
至八年乙丑十二月

卷第七十九

哲宗

元祐元年丙寅  
正月至六月

卷第八十

哲宗

元祐元年丙寅七月  
至三年戊辰六月

卷第八十一

哲宗

元祐三年戊辰七月  
至五年庚午十二月

卷第八十二

哲宗

元祐六年辛未正月  
至八年癸酉七月

卷第八十三

哲宗

元祐八年癸酉八月  
至紹聖元年甲戌七月

卷第八十四

哲宗

紹聖元年甲戌八月  
至三年丙子十二月

卷第八十五

哲宗

紹聖四年丁丑正月  
至元符元年戊寅十二月

卷第八十六

哲宗

元符二年己卯正月  
至三年庚辰十二月

卷第八十七

徽宗

建中靖國元年辛巳正月  
至崇寧元年壬午閏六月

卷第八十八

徽宗

崇寧元年壬午七月  
至三年甲申四月

卷第八十九

徽宗

崇寧三年甲申五月  
至五年丙戌十二月

卷第九十

徽宗

大觀元年丁亥正月  
至四年庚寅十二月

卷第九十一

徽宗

政和元年辛卯正月  
至四年甲午十二月

卷第九十二

徽宗

政和五年乙未正月  
至七年丁酉十二月

卷第九十三

徽宗

重和元年戊戌正月  
至宣和二年庚子十二月

卷第九十四

徽宗

宣和三年辛丑正月  
至五年癸卯三月

卷第九十五

徽宗

宣和五年癸卯四月  
至七年乙巳十二月

卷第九十六

欽宗

靖康元年丙午  
正月至六月

卷第九十七

欽宗

靖康元年丙午七月  
至二年丁未四月

卷第九十八

高宗

建炎元年丁未  
五月至六月

卷第九十九

高宗

建炎元年丁未  
七月至八月



卷第一百

高宗

建炎元年丁未九月至十二月

卷第一百一

高宗

建炎二年戊申正月至五月

卷第一百二

高宗

建炎二年戊申六月至十二月

卷第一百三

高宗

建炎三年己酉正月至二月

卷第一百四

高宗

建炎三年己酉三月

卷第一百五

高宗建炎三年己酉  
四月至八月

卷第一百六

高宗建炎三年己酉閏  
八月至十二月

卷第一百七

高宗建炎四年庚戌  
正月至六月

卷第一百八

高宗建炎四年庚戌  
七月至十二月

卷第一百九

高宗紹興元年辛亥  
正月至九月

卷第一百十

高宗

紹興元年辛亥十月  
至二年壬子四月

卷第一百十一

高宗

紹興二年壬子  
五月至十二月

卷第一百十二

高宗

紹興三年癸丑  
正月至九月

卷第一百十三

高宗

紹興三年癸丑十月  
至四年甲寅六月

卷第一百十四

高宗

紹興四年甲寅  
七月至十二月

卷第一百十五

高宗

紹興五年乙卯  
正月至六月

卷第一百十六

高宗

紹興五年乙卯七月  
至六年丙辰五月

卷第一百十七

高宗

紹興六年丙辰  
六月至十二月

卷第一百十八

高宗

紹興七年丁巳  
正月至七月

卷第一百十九

高宗

紹興七年丁巳  
八月至十二月

卷第一百二十

高宗

紹興八年戊午  
正月至九月

卷第一百二十一

高宗

紹興八年戊午十月  
至九年己未五月

卷第一百二十二

高宗

紹興九年己未六月  
至十年庚申四月

卷第一百二十三

高宗

紹興十年庚申  
五月至十二月

卷第一百二十四

高宗

紹興十一年辛酉  
正月至十二月

卷第一百二十五

高宗

紹興十二年壬戌  
正月至十二月

卷第一百二十六

高宗

紹興十三年癸亥正月  
至十四年甲子十二月

卷第一百二十七

高宗

紹興十五年乙丑正月  
至十七年丁卯十二月

卷第一百二十八

高宗

紹興十八年戊辰正月  
至二十年庚午三月

卷第一百二十九

高宗

紹興二十年庚午四月至  
二十二年壬申十二月

卷第一百三十

高宗

紹興二十三年癸酉正月  
至二十五年乙亥十二月

卷第一百三十一

高宗

紹興二十六年丙子正月  
至二十七年丁丑十二月

卷第一百三十二

高宗

紹興二十八年戊寅正月  
至二十九年己卯六月

卷第一百三十三

高宗

紹興二十九年己卯七月  
至三十年庚辰十二月

卷第一百三十四

高宗

紹興三十一年辛巳正月  
至九月

卷第一百三十五

高宗

紹興三十一年辛巳十月至十二年

卷第一百三十六

高宗

紹興三十二年壬午正月至三月

卷第一百三十七

高宗

紹興三十二年壬午四月至十二年

卷第一百三十八

孝宗

隆興元年癸未正月至二年甲申九月

卷第一百三十九

孝宗

隆興二年甲申十月至乾道二年丙戌十二月



卷第一百四十

孝宗

乾道三年丁亥正月  
至四年戊子十二月

卷第一百四十一

孝宗

乾道五年己丑正月  
至六年庚寅七月

卷第一百四十二

孝宗

乾道六年庚寅八月  
至七年辛卯十二月

卷第一百四十三

孝宗

乾道八年壬辰正月  
至九年癸巳十二月

卷第一百四十四

孝宗

淳熙元年甲午正月  
至二年乙未十二月

卷第一百四十五

孝宗

淳熙三年丙申正月  
至四年丁酉九月

卷第一百四十六

孝宗

淳熙四年丁酉十月  
至六年己亥四月

卷第一百四十七

孝宗

淳熙六年己亥五月  
至七年庚子十二月

卷第一百四十八

孝宗

淳熙八年辛丑正月  
至十年癸卯六月

卷第一百四十九

孝宗

淳熙十年癸卯七月  
至十一年甲辰十二月

卷第一百五十

孝宗

淳熙十二年乙巳正月  
至十三年丙午十二月

卷第一百五十一

孝宗

淳熙十四年丁未正月  
至十六年己酉十二月

卷第一百五十二

光宗

紹熙元年庚戌正月  
至三年壬子十二月

卷第一百五十三

光宗

紹熙四年癸丑正月  
至五年甲寅十二月

卷第一百五十四

寧宗

慶元元年乙卯正月  
至三年丁巳十二月

卷第一百五十五

寧宗

慶元四年戊午正月  
至六年庚申十二月

卷第一百五十六

寧宗

嘉泰元年辛酉正月  
至四年甲子三月

卷第一百五十七

寧宗

嘉泰四年甲子四月至  
開禧二年丙寅十二月

卷第一百五十八

寧宗

開禧三年丁卯正月  
至嘉定二年己巳十二月

卷第一百五十九

寧宗

嘉定三年庚午正月  
至六年癸酉八月

卷第一百六十

寧宗

嘉定六年癸酉九月  
至十年丁丑六月

卷第一百六十一

寧宗

嘉定十年丁丑七月  
至十四年辛巳三月

卷第一百六十二

寧宗

嘉定十四年辛巳四月  
至十七年甲申十二月

卷第一百六十三

理宗

寶慶元年乙酉正月  
至二年丙戌十二月

卷第一百六十四

理宗

寶慶三年丁亥正月  
至紹定二年己丑九月

卷第一百六十五

理宗

紹定二年己丑十月至四年辛卯十二月

卷第一百六十六

理宗

紹定五年壬辰正月至六年癸巳三月

卷第一百六十七

理宗

紹定六年癸巳四月至端平元年甲午十二月

卷第一百六十八

理宗

端平二年乙未正月至三年丙申十二月

卷第一百六十九

理宗

嘉熙元年丁酉正月至三年己亥十二月

卷第一百七十

理宗

嘉熙四年庚子正月至  
淳祐三年癸卯八月

卷第一百七十一

理宗

淳祐三年癸卯九月  
至六年丙午六月

卷第一百七十二

理宗

淳祐六年丙午七月  
至九年己酉十二月

卷第一百七十三

理宗

淳祐十年庚戌正月至  
十二年壬子十二月

卷第一百七十四

理宗

寶祐元年癸丑正月  
至四年丙辰七月

卷第一百七十五

理宗

寶祐四年丙辰八月至  
開慶元年己未十二月

卷第一百七十六

理宗

景定元年庚申正月  
至三年壬戌六月

卷第一百七十七

理宗

景定三年壬戌七月  
至五年甲子十二月

卷第一百七十八

度宗

咸淳元年乙丑正月  
至四年戊辰九月

卷第一百七十九

度宗

咸淳四年戊辰十月  
至八年壬申七月



卷第一百八十

度宗

咸淳八年壬申八月  
至十年甲戌十二月

卷第一百八十一

帝昀

德祐元年乙亥  
正月至七月

卷第一百八十二

帝昀

德祐元年乙亥八月  
至二年丙子閏三月

卷第一百八十三

元紀

世祖

至元十三年丙子四月  
至十五年戊寅四月

卷第一百八十四

世祖至元十五年戊寅五月  
至十六年己卯十二月

卷第一百八十五

世祖至元十七年庚辰正月  
至十九年壬午六月

卷第一百八十六

世祖至元十九年壬午七月至  
二十一年甲申十二月

卷第一百八十七

世祖至元二十二年乙酉正月  
至二十三年丙戌十二月

卷第一百八十八

世祖至元二十四年丁亥正月  
至二十五年戊子十二月

卷第一百八十九

世祖至元二十六年己丑正月

至二十八年辛卯三月

卷第一百九十

世祖至元二十八年辛卯四月

至二十九年壬辰十二月

卷第一百九十一

世祖至元三十年癸巳正月

至三十一年甲午十二月

卷第一百九十二

成宗元貞元年乙未正月

至大德元年丁酉六月

卷第一百九十三

成宗大德元年丁酉七月

至四年庚子十二月

卷第一百九十四

成宗

大德五年辛丑正月  
至七年癸卯十二月

卷第一百九十五

成宗

大德八年甲辰正月  
至十一年丁未十二月

卷第一百九十六

武宗

至大元年戊申正月  
至二年己酉十二月

卷第一百九十七

武宗

至大三年庚戌正月  
至四年辛亥十二月

卷第一百九十八

仁宗

皇慶元年壬子正月  
至延祐二年乙卯三月

卷第一百九十九

仁宗

延祐二年乙卯四月  
至五年戊午十二月

卷第二百

仁宗

延祐六年己未正月  
至七年庚申十二月

卷第二百一

英宗

至治元年辛酉正月  
至三年癸亥十二月

卷第二百二

泰定帝

泰定元年甲子正月  
至二年乙丑八月

卷第二百三

泰定帝

泰定二年乙丑九月  
至四年丁卯十二月

卷第二百四

泰定帝

致和元年戊辰  
正月至十二月

卷第二百五

明宗

天歷二年己巳  
正月至十二月

卷第二百六

文宗

至順元年庚午正月  
至三年壬申十二月

卷第二百七

順帝

元統元年癸酉正月  
至元四年戊寅十二月

卷第二百八

順帝

至元五年己卯正月  
至正五年乙酉十二月

卷第二百九

順帝

至正六年丙戌二月  
至十年庚寅十二月

卷第二百十

順帝

至正十一年辛卯正月  
至十二年壬辰六月

卷第二百十一

順帝

至正十二年壬辰七月  
至十三年癸巳十二月

卷第二百十二

順帝

至正十四年甲午正月  
至十五年乙未十二月

卷第二百十三

順帝

至正十六年丙申正月  
至十七年丁酉六月

卷第二百十四

順帝

至正十七年丁酉七月  
至十八年戊戌十二月

卷第二百十五

順帝

至正十九年己亥正月  
至二十年庚子六月

卷第二百十六

順帝

至正二十年庚子七月至  
二十二年壬寅十二月

卷第二百十七

順帝

至正二十三年癸卯正月  
至二十四年甲辰三月

卷第二百十八

順帝

至正二十四年甲辰四月  
至二十五年乙巳十二月

卷第二百十九



順帝

至正二十六年丙午正月  
至二十七年丁未六月

卷第二百二十

順帝

至正二十七年丁未七月  
至二十八年戊申七月

右自宋太祖建隆元年起至元順帝至正二十八年七月凡二十六主四百一十一年

續資治通鑑卷第一

建隆元年春正月乙巳周歸德軍節度使檢校

宋紀一

起上章沿灘正月  
盡十二月凡一年

太祖啟運立極英武睿文神德聖功至明大孝皇

帝

諱匡胤姓趙氏涿郡人高祖昝唐幽都令曾

校

司徒天水縣男贈太尉母杜氏後唐天成二年

帝

生於洛陽夾馬營赤光繞室異香經月不散既

長

容貌雄偉器度豁如識者知非常人事周世宗

累

官殿前都點檢恭帝即位改宋州節度使進封

開

國侯依前都點檢

建隆元年

遼應歷十年

春正月乙巳周歸德軍節度使檢校

太尉殿前都點檢趙匡胤稱帝先是辛丑朔周羣臣方

賀正旦鎮定二州馳奏遼師南下與北漢合兵周帝命

匡胤率宿衛諸將禦之

攷異薛居正舊五代史周恭帝紀云顯德七年正月辛丑朔文武百寮進名奉賀鎮定二州馳奏契丹入遼河東軍自

土門東下與契丹合勢據遼史穆宗紀應歷十年正月無用兵事又遼史蕭思溫傳云周師陷易瀛莫等州人皆震駭往往遁入西山是年周周喪燕民始安以事勢度之顯德六年周師取三關遼人敗之其餘羣情震恐斷不能甫逾月即舉兵南下也遼史不載此事得其實矣東都事略云鎮定驛上言太原劉承筠結契丹入寇宋人紀事之書俱言太祖因北征受命今承其舊書之

匡胤掌軍政六年得士卒心數從世宗征伐屢著功

績爲人望所歸至是主少國疑將士陰謀推戴壬寅殿

前副點檢鎮寧軍節度使太原慕容延釗將前軍先發

癸卯大軍繼之

攷異袁文寶冊開評云太祖北征其未行也羣公祖道於芳林園陶穀堅欲致

拜曰回來難爲斟酌也案數雖歸心太祖不應於祖道時預泄其謀今不取時京師多聚語

云策點檢爲天子軍中知星者河中苗訓見日下復有一日黑光摩盪指謂匡胤親吏楚昭輔曰此天命也是夕次陳橋驛將士相與謀曰主上幼弱我輩出死力破敵誰則知之不如先立點檢爲天子然後北征都押衙李處耘具以其事白匡胤弟內殿祇候供奉官都知匡義及歸德節度掌書記薊人趙普普初見顯德二年二月語未竟

諸將露刃突入大言曰軍中定議欲策太尉爲天子匡義因曉之曰興王異姓雖云天命實繫人心汝等各能嚴飭軍士勿令剽掠都城人心安則四方自定汝等亦

可其保富貴矣眾許諾乃其部分夜遣衙隊軍使郭延

贊馳告殿前都指揮使石守信殿前都虞候王審琦

初見顯德三年

守信審琦皆素歸心匡胤者將士環列待旦匡

胤醉臥初不省甲辰遲明諸將擐甲執兵直叩寢門曰

諸將無主願策太尉爲天子匡胤驚起未及應卽被以

黃袍羅拜呼萬歲掖乘馬南行匡胤度不能免乃攬轡

誓諸將曰汝等貪富貴立我爲天子我有號令汝等能

稟乎眾下馬曰唯命匡胤曰太后主上吾北面事之朝

廷大臣皆我之比肩也汝等不得驚犯官闕侵凌朝貴

及犯府庫用命有厚賚違則孥戮皆應曰諾乃整軍自

仁和門入秋豪無所犯翼日先遣客省使大名潘美見

執政喻意又遣楚昭輔慰安家人

攷異朱弁曲洧舊聞云太祖在周朝受命

北征至陳橋驛爲三軍推戴時杜太后眷屬以下盡在  
定力院有司將按捕主僧悉令登閣而固其扃鐃俄而  
大搜索主僧給云皆散走不知所之矣甲士入寺升梯  
且發鑰見蟲網絲布滿其上而塵埃凝積若累年不曾  
開者乃相告曰是安得有人遂皆返去有頃太祖已踐  
阼矣案陳橋之變起於倉卒而宿衛多素歸心者必無  
按捕眷屬之事疑後來神時宰相大名范質太原王溥  
奇其說而爲之也今不取

早朝未退問變質下殿執溥手曰倉卒遣將吾輩之罪

也爪入溥手幾出血溥噤不能對天平節度使同平章

事侍衛馬步軍副都指揮使太原韓通自內庭惶遽奔

歸將率眾備禦散員都指揮使洛陽王彥昇遇通於路

躍馬逐之馳入其第殺通及其妻子

攷異宋史周三臣傳云通未及闔門

爲彥昇所害妻子皆死蘇轍龍川別志云通以親衛戰闕下敗死王鞏聞見近錄云太祖入御曹門伏弩右掖門外通出死矢下蓋傳聞之異詞也諸將翼匡胤登明

德門匡胤令甲士還營還歸公署釋黃袍有頃諸將擁

范質等至匡胤嗚咽流涕曰吾受世宗厚恩爲六軍所

迫一旦至此慚負天地將若之何質等未及對散指揮

都虞候太原羅彥環案劍厲聲曰我輩無主今日須得

天子質等相顧不知所爲王溥降階先拜質不得已亦

拜

攷異王偁東都事略范質傳云質見太祖曰先帝養太尉如子今身未冷柰何又云質知勢不可過曰事

已爾無太倉卒自古帝王有禪位之禮今可行也因具陳之且曰太尉旣以禮受禪則事太后如母養少主如

子無負先帝舊恩太祖揮淚許諾然後率百官成禮  
應旂通鑑用之今攷宋史范質傳無此語長編與宋史  
同惟司馬光涑水紀聞云質頗諂讓太  
祖蓋傳聞之詞不足為據今從宋史  
遂請匡胤詣崇

元殿行禪代禮召文武百僚至晡班定翰林學士承旨

新平陶穀袖中出周帝禪詔攷異涑水紀聞云周帝內

與帝約賓禮崇氏乃召穀草制皆誤也今從東都事略宣徽使高唐胥居潤引匡

胤就龍墀北面拜受攷異李燕長編云實錄無宣徽使

略宣徽使胥居潤出錢即其人也宰相掖升崇元殿服袞冕即皇帝位

羣臣拜賀奉周帝為鄭王符太后為周太后遷居西宮

攷異長編作周太后遷居西京疑傳寫之誤舊五代史  
恭帝紀但云奉皇太后為周太后而不言其遷居至周  
后妃傳則但紀世宗前符后而於後符后闕而不書蓋  
薛居正修史時周太后尚存也據文獻通考云世宗後



符后後爲尼當得其實今附識  
此以存一代后妃之始末云  
詔定有天下之號曰宋

因所領節度州名也改元大赦內外馬步軍士等第優  
給命官分告天地社稷遣中使乘傳齎詔諭天下其諸  
道節度使別以詔賜焉華山隱士陳搏問帝代周曰天  
下自此定矣 汴都仰給漕運河渠最爲急務先是歲  
調丁夫開濬淤淺糗糧皆民自備丁未詔悉從官給遂  
著爲令又以河北歲稔穀賤命高其價以糴之 戊申  
贈周韓通爲中書令以禮葬之初通與帝同掌宿衛軍  
政多決于通通性剛而寡謀言多忤物人謂韓瞠目其  
子頗有志略見帝得人望勸通早爲之所通不聽卒及

於難帝怒王彥昇專殺以開國初隱忍不及罪攷異宋史周三

臣傳云太祖幸天寶寺見通及其子畫像於壁遽命去之是太祖實心忌韓通也凍水紀問云太祖欲斬彥昇

既乃終身廢棄攷東都事略則彥昇方膺過州重任也賜南唐主詔書先是南

唐中書舍人北海韓熙載使於周及歸南唐主歷問周

之將帥熙載曰趙點檢顧視非常殆難測也至是人服

其識 辛亥論翊戴功以周義成節度使殿前都指揮

使石守信為歸德節度使侍衛馬步軍副都指揮使以

寧江節度使馬步軍都指揮使常山高懷德為義成節

度使殿前副都點檢攷異宋史太祖紀高懷德傳皆作江寧攷其時昇州未入版圖亦尚

無江寧軍之名當是寧江之誤寧江者夔州軍號也懷德易鎮而以張光翰代之長編於光翰書寧江懷德書

賈資治通鑑 卷一

江寧蓋轉寫有誤耳今皆改從寧江軍庶無歧混

以武信節度使步軍都指揮使馱次張令鐸爲鎮安節度使馬步軍都虞候以殿前都虞候睦州防禦使王審琦爲泰寧節度使殿前都指揮使以虎捷左廂都指揮使嘉州防禦使遼人張光翰爲寧江節度使馬軍都指揮使以虎捷右廂都指揮使岳州防禦使安喜趙彥徽爲武信節度使步軍都指揮使使餘領軍者竝進爵 癸丑放周顯德中江南降將周成等三十四人歸於南唐 乙卯遣使分賑諸州 丁巳命周宗正少卿郭玘祀周廟及嵩慶二陵因著令以時朝拜 先是周侍衛馬步軍都虞候武安韓令坤領

兵巡北過慕容延釗復率前軍至真定帝既自立遣使

諭延釗令坤各以便宜從事兩人皆聽命己未加延釗

殿前都點檢昭化軍節度使同中書門下二品

東都事略云以

延釗父名章故不曰平章事

令坤侍衛馬步軍都指揮使天平節度

使同平章事 宰相表請以二月十六日爲長春節帝

生日也 壬戌以趙普爲右諫議大夫樞密直學士初

帝領宋鎮普爲書記與節度判官寧陵劉熙古觀察判

官安次呂餘慶攝推官太康沈義倫皆在幕府至是普

以佐命功遷乃召熙古爲左諫議大夫餘慶爲給事中

端明殿學士義倫爲戶部郎中

攷具洛陽緝紳舊聞記云太祖龍潛畱沈相門

下遂成魚水雲龍之契太祖登極召見沈相未除官先賜緋袍笏數日稱賜緋人及中書取進止上曰合與何官中書見上顏色遽曰欲除京官上不荅中書再欲除昇朝官上曰除何官中書相顧未奏上曰且與除郎中遂除戶部郎中案義倫自太祖領同州節制卽辟幕府至是與熙古餘慶竝命非由特授也今從長編

癸亥以天雄節度使宛邱符彥卿守太師雄武節度使  
掖人王景守太保封太原郡王定難節度使西平王李  
彝殷守太尉荆南節度使高休融守太傅餘領節鎮者  
普進爵 甲子皇弟匡義加睦州防禦使賜名光義

幸國子監將立宗廟詔百官集議己巳兵部尙書濮陽  
張昭等奏曰堯舜禹皆立五廟蓋二昭二穆與其始祖  
也有商改國始立六廟蓋昭穆之外祀契與湯也周立

七廟蓋親廟之外祖太祖及文王武王也漢初立廟悉不如禮魏晉始復七廟之制江左相承不改然七廟之中猶虛太祖之室隋文但立高曾祖禰四廟而已唐因隋制立四親廟梁氏而下不易其法稽古之道斯爲折衷伏請追尊高曾祖禰四代號謚崇建廟室制可於是定宗廟之制歲以四孟月及季冬凡五享朔望薦食薦新三年一祫以孟冬五年一禘以孟夏皆兵部侍郎漁陽竇儀所定也 鎮州報遼及北漢兵自退攷異東都事略契丹與河東連兵寇鎮定俄聞太祖卽位驚曰中國有英主矣於是通去此史家緣飾之詞十國春秋北漢紀作遼師謀會兵攻鎮定是雖有其謀未嘗出師也今從長編書之 北漢戶部侍郎平章

事榮陽趙華罷爲左僕射 南唐主遣使誅鍾謨於饒

州詰之曰卿與孫晟同使北晟死而卿還何也謨頓首

伏罪縲殺之并誅張巒於宣州

謨流饒州巒貶宣州副使去年十月事

二月乙亥尊母南陽郡夫人杜氏爲皇太后后安喜人

攷異宋史后妃傳云杜太后母范氏生五子三女太后居長又外戚傳云杜審琦昭憲皇太后之兄太后昆仲

五人審琦最長二傳互異宋史前後自相矛盾往往如此東都事略祇云安喜人今從之陳橋之變

后聞之曰吾兒素有大志今果然矣及尊爲皇太后帝

拜於殿上羣臣稱賀太后愀然不樂左右進曰臣聞母

以子貴今子爲天子胡爲不樂太后曰吾聞爲君難天

子置身兆庶之上若治得其道則此位誠尊苟或失馭

求爲匹夫而不可得是吾所愛也帝再拜曰謹受教

加宰相范質王溥魏仁浦等官仁浦汲郡人也帝待周

三相竝以優禮質自司徒平章事昭文館大學士參知

樞密院事加侍中溥自右僕射平章事監修國史參知

樞密院事加司空仁浦自樞密使中書侍郎平章事集

賢殿大學士加右僕射自唐以來三大館職皆宰相兼

之首相昭文次監修次集賢宋因之質溥尋皆罷參知

樞密又命樞密使太原吳廷祚仍加同中書門下二品

攷異會羣隆平集吳廷祚傳云宋興加中書門下三品  
宋史亦作三品據朱敏求春明退朝錄云唐大帝時始  
有同中書門下三品其時中書令侍中皆正三品大歷  
中竝升爲二品國初樞密吳廷祚以父諱璋加同中書



門下二品用升品也是隆平集作三品者誤矣又考舊五代史職官志云周顯德中樞密使吳廷祚加同中書門下二品則廷祚在周時已加二品宋初仍其加品耳東都事略作宋興加同中書門下二品亦微誤岳珂姚郊錄引五代會要以爲起於後唐長興是矣然不知顯德中加二品亦未博攷又案廷祚宋史列傳作廷祚延與廷字形相似易於疑誤今西安府學千字文石刻後列廷祚銜名正作廷字當從之舊制凡大政事必命宰臣坐議常從容賜茶乃退唐及五代猶遵此制及質等爲相自以周室舊臣內存形迹又憚帝英睿乃請每事具劄子進呈取旨帝從之由是坐論之禮遂廢攷異坐論之禮廢由於具劄子見宋會要與長編同曲洧舊聞以爲太祖叱去之恐非事實聞見近錄又云故事執政奏事坐論殿上太祖卽位之明日執政登殿上曰朕目昏持文字近前執政至榻前密遣中使徹其坐執政立奏自此始也困學紀聞引此以糾長編之遺漏案宋祖優禮舊臣何至密徹其坐王氏近錄

通鑑記事本末  
今從長編

己卯以天下兵馬都元帥吳越國王錢

俶爲天下兵馬大元帥俶名上一字犯宋諱故去之

丙戌長春節賜羣臣衣各一襲宰相率百官上壽賜宴

相國寺 中書舍人安大扈蒙權知貢舉庚寅奏進士

合格者京兆楊礪等十九人自是歲以爲常 辛卯大

宴于廣德殿凡誕節後擇日大宴自此始 三月乙巳

改天下郡縣之犯御名廟諱者 丙辰南唐主遣使來

賀登極 南漢宦者陳延壽言於南漢主曰陛下所以

得立由先帝盡殺羣弟故也南漢主以爲然丁巳殺其

弟桂王璇興 吳越王俶遣使來賀登極南唐主復遣

使來賀長春節 宿州火燔民廬舍萬餘區遣中使安撫之 壬戌追尊祖考爲皇帝妣爲皇后諡高祖肸曰文獻廟號僖祖陵曰欽陵妣崔曰文懿諡曾祖珽曰惠元廟號順祖陵曰康陵妣桑曰惠明諡皇祖敬曰簡恭廟號翼祖陵曰定陵妣劉曰簡穆諡皇考宏殷曰昭武廟號宣祖陵曰安陵 定國運受周木德因以火德王色尙赤臘用戊 癸亥命武勝節度使洛陽宋延渥領舟師巡撫江徼舒州團練使元城司超副之仍貽書南唐主諭意 己巳以皇弟光美爲嘉州防禦使 先是北漢誘代北諸部侵掠河西詔諸鎮會兵以禦之是月

定難節度使李彝興言遣都將李彝玉進援麟州北漢  
引眾去彝興卽彝殷也遼宣祖諱改爲興 夏四月癸  
酉兼判太常寺寶儼請改周樂文舞崇德之舞爲文德  
之舞武舞象成之舞爲武功之舞改樂章十二順爲十  
二安蓋取治世之音安以樂之意詔行之儼儀之弟也  
鐵騎左廂都指揮使王彥昇夜抵宰相王溥私第溥  
驚悸而出旣坐乃曰巡警而困甚聊就公一醉耳然彥  
昇意在求貨溥佯不悟置酒數行而罷翌日溥密奏其  
事帝益惡之丁丑出彥昇爲唐州團練使唐本刺史州  
於是始改焉 遼人侵棣州刺史河南何繼筠追破其

眾於固安獲馬四百匹 帝加周昭義軍節度使太原  
李筠中書令使者至潞州筠卽欲拒命左右切諫乃延  
使者置酒張樂旋取周祖畫象懸廳壁涕泣不已賓佐  
惶懼告使者曰令公被酒失常幸毋怪北漢主鈞聞之  
乃以蠟書結筠同舉兵筠長子守節泣諫筠不聽帝手  
詔慰撫且召守節爲皇城使筠遂遣守節入朝伺動靜  
帝迎謂曰太子汝何故來守節矍然頭擊地曰陛下何  
言此必有讒人間臣父也帝曰吾聞汝數諫汝父不聽  
故遣汝來欲吾殺汝耳汝歸語汝父我未爲天子時任  
自爲之我旣爲天子汝獨不能小讓我邪守節馳歸告

筠筠遂令幕府爲檄數帝罪癸未執監軍周光遜等遣  
牙將劉繼沖等送北漢納款求援又遣兵襲澤州殺刺  
史張福據其城從事閻邱仲卿說筠曰公孤軍舉事其  
勢甚危雖倚河東之援恐亦不得其力大梁兵甲精銳  
難與爭鋒不如西下太行直抵懷孟塞虎牢據洛邑東  
向而爭天下計之上也筠曰吾周朝宿將與世宗義同  
兄弟禁衛之士皆吾舊人聞吾至必倒戈歸我何患不  
濟乎不用其計 丙戌昭義變問樞密使吳廷祚言於  
帝曰潞州巖險賊若固守未可以歲月破然李筠素驕  
易無謀宜速引兵擊之戊子遣石守信高懷德率前軍

進討帝敕守信等曰勿縱筠下太行急引兵扼其隘破

之必矣

攷異石守信出軍長編引實錄在癸巳今從宋史作戊子

帝召三司使清河

張美調兵食美言懷州刺史大名馬令琮度李筠必反

日夜儲備以待王師帝亟令授令琮團練使宰相范質

曰大軍北伐藉令琮供億不可移它郡遂升懷州爲團

練以令琮充使

五月己亥朔日有食之

攷異遼史不載是年日食

今從宋史及文獻通考契丹國志

庚子命宣徽南院使晉居潤赴渲

州巡檢殿前都點檢鎮寧節度使慕容延釗彰德軍留

後太原王全斌

攷異宋史王全斌傳全斌未討筠之先官至相州畱後非節度使也太祖本紀

作彰德節度使非是今從長編

率兵由東路與石守信高懷德會

辛

升以洺州團練使博野郭進爲本州防禦使兼西山巡檢備北漢也 北漢主遣內園使李弼以詔書金帛善

馬賜李筠筠復遣劉繼冲詣晉陽請北漢主舉軍南下已爲前導北漢主遣使請兵於遼遼師未集繼冲述筠意請無用契丹兵北漢主卽日大閱傾國自將出團柏谷羣臣餞之汾水左僕射趙華諫曰李筠舉事輕易事必無成陛下掃境內赴之臣未見其可也北漢主不聽行至太平驛筠身率官屬迎謁北漢主命筠贊拜不名坐於宰相衛融之上封西平王

攷異五代史記九國志俱作隴西郡王今從長

編及筠見北漢主儀衛寡弱內甚悔之又自言受周氏



恩不忍負而北漢主與周世儼聞筠言亦不悅筠將還北漢主遣宣徽使盧贊監其軍筠心益不平贊嘗見筠計事筠不應贊怒拂衣起北漢主聞贊與筠有隙遣衛融詣軍中和解之筠畱其長子守節守上黨而自率眾三萬南出癸卯石守信等破之於長平又攻拔其大會寨甲辰詔奪李筠官爵乙巳遼主謁懷陵太宗陵也己酉西京作周六廟成遣光祿卿郭玘奉遷神主乙卯忠正節度使兼侍中楊承信來朝設宴於廣政殿自是爲例丁巳詔親征以樞密使吳廷祚爲東京畱守知開封府呂餘慶副之皇弟光義爲大內都點檢

遣韓令坤率兵屯河陽 己未帝發大梁壬戌次滎陽

西京留守河內向拱勸帝濟河踰太行乘賊未集而擊

之稽畱浹旬則其鋒益熾矣樞密直學士趙普亦言賊

意國家新造未能出征若倍道兼行掩其不備可一戰

而克帝納其言丁卯石守信高懷德破李筠軍三萬餘

於澤州南獲北漢河陽節度使范守圖殺盧贊筠遁入

澤州嬰城自固 是月永安節度使雲中折德晟破北

漢沙石寨斬首五百級德晟從阮之子也攷異宋史本紀作六月壬

午十國春秋與宋史同今從長編 六月己巳朔帝至澤州督軍攻城

逾旬不下帝召控鶴左廂都指揮使薊人馬全義攷異全義

長編作全又蓋避太宗諱改也據宋史本傳全義卒問  
於太祖時則是史臣追改非當時本稱也今從宋史問  
計全義請併力急攻遂率敢死士先登飛矢貫臂全義  
拔鏃進戰帝親率衛兵繼之辛巳克其城攷異宋史本  
紀作辛未今  
從長編李筠赴火死獲衛融攷異宋史本  
紀誤作魏融  
今從東都事略及長編

甲申免澤州今年田租乙酉進攻潞州丁亥筠子守  
節以城降赦之升單州爲團練用守節爲使是日帝入  
潞州宴從官於行宮辛卯大赦免附潞三十里今年田  
租錄陳歿將校子孫丁夫給復三年 李筠性雖暴事  
母甚孝每怒將殺人母屏風後呼筠筠卽趨至母曰聞  
將殺人可免乎爲吾曹增福耳筠遽釋之北漢主問筠

敗自太平驛通還晉陽謂趙華曰李筠無狀卒如卿言  
吾幸全師以歸但恨失衛融盧贊耳華旋請老使食祿  
終身北漢主以翰林學士承旨兵部尙書薊人趙宏爲  
中書侍郎兼兵部尙書平章事遼師聞潞州破不果出  
癸巳安國節度使元城李繼勳來朝乙未命爲昭義  
節度使丁酉帝發潞州秋七月戊申至京師初衛融被  
執帝詰融曰汝教劉鈞助李筠反何也融對曰犬吠非  
其主臣誠不忍負劉氏且云陛下縱不殺臣臣必不爲  
陛下用帝怒命左右以鐵撾擊其首流血被面融呼曰  
臣得死所矣帝曰忠臣也釋之以良藥敷其瘡因使致

書北漢主求周光遜等納款歸融太原北漢主不報辛  
亥以融爲太府卿 前司空趙國公汝陰李穀初歸洛  
陽李筠以穀周朝名相遺錢五十萬它物稱是穀受之  
及筠叛穀憂恚發病乙卯卒帝爲廢朝一日贈侍中穀  
雅善議論辭氣明暢尤能知人汲引寒士多至顯位

戊午宴韓令坤等於禮賢講武殿賞平澤功也 辛

酉遼政事令耶律壽遠太保庫阿布舊作楚阿等謀反

伏誅 遼主以酒脯祀天地於黑山 初成德節度使

金城郭崇聞帝自立追憶周室恩遇時或涕泣監軍陳  
思誨密奏其狀且言常山近邊宜謹備之帝曰我素知

崇篤於恩義此蓋有所激發耳遣使覘之崇憂慙失據  
觀察判官孝義辛仲甫曰公首效誠節且軍民處置率  
循常度朝廷雖欲加罪何以爲辭使者至但率官吏郊  
迎盡禮致恭淹留伺察當自辨明矣崇如其言使者歸  
奏崇無它

致興東都事略宋史郭崇傳云崇方對賓屬  
坐池亭飲博城中晏然不言仲甫爲崇籌畫

事至仲甫傳亦不  
言此事今從長編

帝喜曰我固知崇不反也以督居

潤權知鎮州初以知州易方鎮也 乙丑唐主景進白

金賀平澤潞 詔殿前侍衛二司各閱所掌兵簡其驍

勇者升爲上軍而命諸州長吏選所部兵送都下以補  
禁旅之闕又選強壯卒定爲兵樣分送諸道召募教習

俟其精練卽送闕下由是獷狎之士皆隸禁籍矣又懲唐以來藩鎮之弊立戛戍法分遣禁旅戍守邊城使往來道路以習勤苦均勞逸自是將不得專其兵而士卒不至于驕情皆趙普之謀也 八月戊辰朔御崇元殿

設仗衛行入閣儀置待制候對官賜廊下食

入閣唐制起於天寶

明皇以無爲守成詔晏朝與仗百官從官至閣門入蓋唐前舍元殿非正至大朝會不御次宣政殿謂之正衙每坐朝必立仗於正衙或御紫宸殿卽喚正衙仗自宣政殿兩門入是謂東西上閣門故謂之入閣其後遂爲常朝之儀五代以來毀廢正衙立仗而入閣亦希闕不講至是復行之然御前殿非唐舊矣崇元殿卽大慶殿前殿也待制候對者亦唐制也每正衙待制官兩員正衙退後又令六品以下入延英候對皆所以備顧問其後每入閣卽有待制次對官後唐天成中廢至是亦復行之廊下食起唐正觀其後常參官每日朝退賜食謂

之廊卷唐末浸廢但於入  
閣起居日賜食宋循其制  
庚午宴近臣於廣德殿江南

吳越朝貢使皆預焉  
壬申復升貝州爲永清軍節度

係義節度使河東袁彥聞帝自立日夜繕甲治兵帝

慮其爲變命潘美往監其軍美單騎入城諭令朝覲彥

卽治裝上道帝喜謂左右曰潘美不殺袁彥成吾志矣

丙子徙彥爲彰信軍節度使  
忠正節度使楊承信爲

護國軍節度使承信至河中或言其謀反帝遣作坊副

使相州魏丕賜承信生辰禮物因察之還言承信無反

狀承信因是獲歿於鎮  
忠武節度使兼侍中陽曲張

永德徙武勝節度使入覲從遊玉津園時帝將有事於



北漢密訪策略永德曰太原兵少而悍加以契丹爲援  
未可倉卒取也臣以爲每歲多設遊兵擾其田事仍發  
閒使諜遼先絕其援然後可圖帝曰善 壬午以皇弟  
殷前都虞候睦州防禦使光義領泰寧軍節度使 甲  
申立琅邪郡夫人王氏爲皇后后華池人彰德節度使

饒之女也 丙戌作新權衡願於天下禁私造者預異李燕

日十九日本紀卽云願新量衡于天下案此但新造未願也今從本志 戊子以趙普爲

兵部侍郎充樞密使帝之征澤潞也普請行帝笑曰普

豈勝甲冑乎至是師還論功帝曰普宜在優等遂遷是

職 荆南節度使守太傅兼中書令南平王高休融寢

疾以其子繼沖幼弱不堪承嗣命其弟行軍司馬係勛  
總判內外軍馬事甲午係融薨事聞賜賻贈太尉諡貞  
懿係融性迂緩御軍治民皆無法高氏始衰 乙未南  
唐主遣使來賀帝還京 是月遼主如秋山遂如懷州  
遼主嗜殺以鎮茵石狻猊擊殺近侍古格舊作古哥今改以後  
內侍蕃人及鹿人雉人疑人多有以非罪死者

九月壬寅昭義節度使李繼勳焚北漢平遙縣 丙午

御崇元殿備禮冊四親廟 己酉中書舍人懷戎趙行

逢坐從征避難貶房州司戶參軍致異趙行逢宋史作趙逢無行字今從長

編帝之親征澤潞也山程狹隘多石帝自取數石于馬

上抱之羣臣六軍皆爭負石開道行逢憚涉險僞傷足  
畱懷州不行及師還行逢當入直又稱疾請於私第草  
制帝怒下御史府劾其罪而黜之 劇檢校太尉淮南  
節度使滄人李重進周太祖甥也始與帝俱事世宗分  
掌兵柄以帝英武心憚之恭帝嗣位重進出鎮揚州及  
帝自立命韓令坤代重進重進請入朝帝賜詔止之重  
進愈不自安李筠舉兵澤潞重進遣其親吏翟守珣間  
行與筠相結守珣潛求見帝言重進陰懷異志帝厚賜  
守珣使說重進稍緩其謀無令二凶竝作守珣歸勸重  
進未可輕發重進信之帝旣平澤潞隨欲經略淮南徙

重進爲平盧節度使又遣六宅使陳思誨齎鐵券往賜以慰安之重進自以周室懿親恐不得全遂拘思誨治城繕兵遣人求援於南唐南唐主不敢納帝問重進舉兵命石守信爲揚州行營都部署兼知揚州行府事王審琦爲副李處耘爲都監宋延渥爲都排陳使帥禁兵討之 寧國軍節度使吳延福吳越王俶之舅也或告延福有異圖庚申俶遣內牙指揮使薛溫以兵圍其第收延福兄弟五人睦州刺史延遇恐懼自殺眾欲殺延福兄弟俶流涕曰先夫人之同氣也吾安忍置法皆除名徙諸州卒全母氏之族 癸亥詔削奪李重進官爵

詔文武常參官諸病告過三日有司以名聞遣太醫

診視 是月吳越始榷酒酤

攷吳吳越備史榷酤在建隆二年九月今從長編

初李筠舉兵遣使邀建雄節度使眞定楊廷璋廷璋

之妹故周祖妃也帝疑其有異志命鄭州防禦使信都

荆罕儒爲晉州兵馬鈐轄使伺察之罕儒欲圖廷璋每

見必懷刃廷璋接以至誠罕儒不敢發

攷吳沈作詰寓簡云監軍荆罕

儒疑廷璋周之戚里近親也欲殺之以爲己功會春日

常宴罕儒夙興尙早徘徊獨語曰事久則泄今日不可

失也因假寐恍惚得異夢悔泣擲刀於地徑造廷璋謝

過此蓋因罕儒欲圖廷璋而甚其詞今從東都事略

會有詔召廷璋赴闕廷璋卽日單車就道冬十月己巳

徙廷璋爲靜難節度使 壬申河決棣州猷次縣又決

滑州靈河縣

丙子遼主從弟趙王喜袞

舊作喜謀反

喜袞薛氏通鑑作宋王喜袞據遼史喜袞先封趙王應

歷中未嘗改封至景宗保寧中乃封宋王耳又喜袞謀

反在應歷十年十月薛氏誤係于十二詞連其父魯呼

月徐氏乾學後編復仍其誤今改正

舊作李及詳袞舊作詳韓匡嗣魯呼太祖第三子也性

胡今改殘酷舒嚕舊作述太后篤愛之太宗時立爲皇太弟兼

天下兵馬大元帥太宗崩於欒城永康王卽位鎮陽是

爲世宗太后遣魯呼將兵擊之兵敗大臣耶律烏珍舊

星質而數魯呼酷暴失人心太后無以應兵遂解世宗

徙魯呼祖州禁其出入至是以喜袞詞逮囚死獄中匡

嗣以善醫直長樂宮皇后視之猶子置不問

匡嗣薊州玉田人國

諸官府治長官

乙酉晉州言兵馬鈐轄荆罕儒領十

餘騎抵北漢汾州城下焚其草市而還夕次京土原北  
漢主遣大將郝貴超領萬眾來襲黎明及之罕儒遣都  
監閻彥進分兵以禦罕儒錦袍裹甲據胡床饗士方割  
羊臂膾以食問彥進小卻卽上馬麾兵徑犯其鋒北漢  
人橫戈舂之罕儒墜馬被獲猶格鬪手殺十餘人乃遇  
害北漢主素畏其勇欲生致罕儒及問其死求殺罕儒  
者戮之帝聞罕儒戰歿痛悼不已擢其子守勳爲西京  
武德副使責將校不用命者黜二人斬二十九人罕儒  
輕財好施在秦州有煮鹽之利歲入鉅萬詔聽十收其

入用猶不足家財入有籍出不問其數勇而善戰常欲  
削平太原志未果而及於敗人皆憎之 帝問趙普以  
揚州事宜普曰李重進憑恃長淮繕修孤壘外絕救援  
內乏資糧宜速取之帝是其言丁亥下詔親征以光義  
爲大內都部署吳廷祚權東京畱守呂餘慶副之 庚  
寅帝發京師百官六軍竝乘舟東下 甲辰次泗州捨  
舟登陸命諸將鼓行而前十一月丁未次揚州城下卽  
日拔之初城將陷左右勸殺陳思誨重進曰吾今舉族  
將赴火死殺此何益卽縱火自焚思誨亦爲其黨所害  
帝入城戮同謀者數百人重進兄重興初聞其拒命卽



自殺弟重贊及其子延福竝死於市帝購得翟守珣補  
殿直俄遷供奉官己酉賑揚州城中民人米一斛十歲  
以下半之脅隸爲軍者賜衣屨遣還庚戌詔重進家屬  
部曲竝釋罪 乙卯南唐主遣左僕射江都嚴續來犒  
師庚申復遣其子蔣國公從鑑戶部尙書新安馮延魯  
來買宴帝厲色謂延魯曰汝國主何故與吾叛臣交通  
延魯曰陛下徒知其交通不知預其謀反帝詰其故延  
魯曰重進使者館於臣家國主令人語之曰大丈夫失  
意而反世亦有之但時不可耳方中朝受禪之初人心  
未定上黨作亂君不以此時反今人心已定乃欲以數

千鳥合之眾抗天下精兵偕使韓白復生必無成理雖有兵食不敢相資重進卒以失援而敗帝曰雖然諸將皆勸吾乘勝濟江何如延魯曰重進自謂雄傑無與敵者神武一臨敗不旋踵況小國其能抗天威乎然亦有可慮者本國侍衛數萬皆先主親兵誓同生死陛下能棄數萬之眾與之血戰則可矣且大江天塹風濤不測苟進未克城退乏糧道事亦可虞帝笑曰聊戲卿耳豈聽卿游說耶

致異龍衮江南野錄載延魯對帝語乃真以為如此拒重進不知乃飾說也又據彭年江南別錄云太祖笑曰吾與江南大義已明何至于此今從十國春秋

帝使諸軍習戰

於迎鑾南唐主懼甚其小臣杜著薛良來奔且獻平南

策帝惡其不忠命斬著於下蜀市良配隸廬州牙校南  
唐主乃少安終以國境蹙弱遂決遷都之計 乙丑命  
宣徽北院使李處耘權知揚州時揚州兵火之餘闔境  
凋敝處耘勤於撫綏輕徭薄賦揚州遂安 十二月己  
巳帝發揚州丁亥至京師 辛卯唐清源節度使永春  
畱從效稱藩 帝初卽位欲陰察羣情嚮背頗微行或  
以爲諫帝笑曰帝王之興自有天命周世宗見諸將方  
面大耳者殺之我終日侍側不能害我旣而微行愈數  
曰有天命者任自爲之不汝禁也帝一日罷朝坐便殿  
不樂者久之左右請其故帝曰爾謂天子容易邪屬乘

快指揮一事而誤故不樂耳嘗彈崔於後苑或稱有急事請見帝亟見之其所奏乃常事耳帝怒詰之對曰臣以爲尙急於彈崔帝愈怒舉斧柄撞其口墮兩齒其人徐拾齒置懷中帝罵曰汝懷齒欲訟我乎對曰臣不能訟陛下自當有史官書之帝悅賜金帛慰勞之 初作受命寶鑄宋通元寶錢 是歲北漢以郭無爲爲諫議大夫參議中書事無爲安樂人方類鳥喙雜學多聞善談辨嘗衣褐爲道士居武當山周太祖討李守貞於河中無爲詣軍門上謁詢以當世之務甚奇之或謂周祖曰公爲漢大臣握重兵居外而延縱橫之士非所以防

微慮遠之道也無爲拂衣去隱抱犢山樞密使段恆

其

五代史記東漢世家作段常蓋歐陽氏選真宗諱追改

之耳通鑑周紀作段恆長編亦作段恆十國春秋從歐

陽史作段常蓋未詳攷議之薦其才北漢主召與語大

今從長編書其本名

悅因授以政復命恆及侍衛親軍使太原蔚進皆同平

章事遼主弟太平王諳薩噶舊作畢微葛今改太宗第二子

也世宗時詔許其與晉主往復以昆弟禮至是見遼主

耽酒嗜殺陰懷異志遼主不悟委以國政唯日事游畋

窮冬盛夏不廢馳騁侍臣有追咎師敗於周三關失地

爲非計者遼主曰三關本漢地今復還之何失之有其

不恤國事如此